

竹所吟稿

古意

建安徐集孫義夫

彼美山中桐千古生清風  
斲削羅徽絃不費膠漆工  
伊臺石有梅月冷雲空濛  
一彈彈春江遲日春融融  
再彈彈招隱霜木吟  
樵楓三彈彈離騷感慨古道隆  
太羹玄酒味旨趣回韻蒙  
世無子期耳知音未易逢  
袖手長太息所聽何不同  
所聽非不同舉



世鄭衛聾

智果寺觀東坡墨蹟參寥泉

煮茗評詩歲月深堂堂遺像篆烟沉數間  
老屋闕興廢一段清名無古今碑斷亂雲  
封宇脚井昏落葉覆泉心斜陽影裡夷猶  
處仰止高風不敢吟

暇日言事二首

雨苔侵運客來稀官事纔閒便掩扉歌枕  
忽生鄉國念夢中喜得一畝歸

西風落葉滿庭除隱几清吟獨撚鬚官地  
莫將私地比鞠苗也種兩三株

送葉清逸之維揚

竹西亭下路二十四橋迂有志風寒地攜  
家雨雪途杯酣看玉蘂橐重載湖珠寫就  
烏絲句無妨寄雁奴

中秋夜雨

兩年客帝畿圓月浸秋輝今夜月圓時風  
雨打門歸年年此桂魄不照今年客明月

應團圓只被浮雲隔

觀秋潮

八月西風嘯沆瀣長江協候肆澎湃錢唐  
王氣天所鍾非爲子胥逞靈恠海門三山  
縹緲青雙練夾岸奔雷霆蛟龍鼉鼉匿形  
影銀濤雪浪翻滄溟踏浪羣兒慣行險出  
沒波心旗閃閃須臾激灩潮信平蕩漾漁  
舟千萬點天低暮靄襲人衣遊子興盡各  
云歸獨有騷翁省不足吟到夜月揚清輝

江湖偉觀

昔日山中一小亭重新輪奐轉崢嶸着身  
梯磴千層上到眼江湖兩派明昂藥丹成  
仙已去益泉墨冷水猶清壽星炯炯無今  
古長照東南王氣生

聞蚤

獨搔短髮坐深夏夜雨書窓半欲陰近日  
病魔詩思溢一秋清句付蚤吟

對菊



未能籬下學悠然  
慚為微官繫日邊  
造物似憐清俸少  
菊花隨地鑄金錢

同杜北山鄭渭濱湖邊小憩

與明看落葉捨棹踏湖西  
塾店傳盃酌殘陽索品題  
雲隨波影動山被柳陰迷  
一點寒鴉過知他何處棲

看梅

歲寒氣味少人知  
一度相逢一度奇  
不受陽和私點化  
慣經風雪冷禁持  
影橫坡老數枝盡  
香沁逋仙兩句詩  
相對依依吟未得  
斜陽歸路不妨遲

公無渡河

公無渡河公無渡河  
公必欲渡意如何  
波濤涵湧何足畏  
中原未復一身多  
爭如平地有風波  
人心之險險于河

水樂洞

路穿岩竇折羊腸  
處處亭臺御墨香  
流水不隨人事去  
尚餘絲竹舊宮商

玉清宮初陽臺

守藥胎仙去不來空留山頂煉丹臺  
炯炯初陽在知隔人間幾劫灰

下竺看猿

渴泉飲罷過別枝  
株守山林得假宜  
伸手攫拳野僧菓  
貴遊玩弄如兒嬉  
膏梁恣欲甚丘壑  
芭苴賸把實囊橐  
本然無物拋乞與  
縱有腥羶醫無藥  
勸汝儔侶只依僧  
殘齋剩核亦潔澄  
切勿自照具人面  
便爾忘却當初洞口呼不應

聞雀

千年華表竟何榮  
曾結孤山夙世盟  
午夜露零和月冷  
一聲風靜仰天鳴  
既歸蕙帳情何怨  
不上揚州韻  
夏清未必湖陰人  
聽得聽來好爵謾營營

玉泉看金魚

石沼鑿瓊瑤  
金鱗數百條  
年深須變化  
泉潔自逍遙  
網罟難垂手  
公卿擬上腰  
龍宮



依梵法翻水雨青霄

訪僧不遇

特地尋君選佛場  
行行踏遍古苔荒  
不因坐石貪搜句  
何事抽單輟赴堂  
空榻日移懸錫影  
別寮風過煮茶香  
忙中我爲閑來到  
吾本閑人爲甚忙

六一泉

惠勤已斃老歐仙  
物逐人非井便乾  
不是坡翁重到此  
此泉安得到今寒

金沙井

修綬垂罽自汲溪  
水澄沙瑩幾星金  
分明不與貧泉比  
莫爲金沙起利心

乍晴

吟情天遠倚闌干  
聲歇鳴渠雨乍乾  
只爲吳山居宦舍  
却因筍蕨憶家餐  
燕窠出子春遊嬾  
燈燼開花夜話殘  
收拾柳綿囊楮被  
麥秋猶有一番寒

重拜和靖先生墓

秋聲爾許悲懷古若爲思菊老泉堪薦山  
孤草亦萎高風留塑崔殘雨暗荒碑依舊  
梅千樹無花香似詩

竹筒

昔日孤山像重移閣幾春騷名垂句法遺  
愛稔邦民雨剝一碑古風搖萬竹新來遊  
興感慨誰繼若而人

夜過富春

夜船搖兀當乘槎得與僧俱似出家數幅  
征帆拋草渡一團幽夢繞梅花風傳山縣  
殘夏漏潮練霜江淡月華所恨釣臺眠裡  
過磯邊不及理漁車

清明

春風客裡動經年寂莫松楸入夢邊斗酒  
誰爲寒食奠嬾將楊柳插門前

燕子

呢喃不聽一年餘又見雙飛向竹廬翻笑  
人間湖海客重來仍占故巢居



訪林可山不值

尋君每自恨遲遲及叩岩扃誤所期空放  
山間雲外雀只吟蓬底雪中詩孤燈歎枕  
勞頻夢樽酒凭欄定幾時獨立小橋回首  
處籬邊猶喜見橫枝

促刺詞

促刺復促刺勸織聲轉劇小婦跣雨採桑  
歸大姑煮雪抽絲繹辛勤欲織禦寒衣朝  
暮惟恐不盈尺織成門外迫催租不了輸  
租仍賣綌婦姑對泣兒號寒爰無可補兒  
衣隙帛暖本擬代綌寒賣綌來愈無策  
促刺兮促刺勸人織兮織何益貯之金屋  
是何人重重綾錦飾珠犀

鷺

素狎沙鷗水國盟一生蹤跡任飄零謾誇  
霜雪精神別難洗鰕魚氣習腥點破青山  
成曉畫飛來紅蓼稱秋汀江湖出入風波  
裡比着胎仙欠典刑



蟬

高踏槐梢與柳陰  
爭鳴直到日西沉  
初無識見偏容喙  
不讀詩書却好吟  
風露細餐雖足飽  
山林爲計夏宜深  
所談幸爾非人事  
逆耳從來欠賞音

贈相士

好爵迷人見不休  
夏饒君盡許封侯  
山林朝市心殊相  
莫訝平人在白頭

訝應作誤

遺僧楮衾

練從秋水桂花鄉  
雅稱分供衲子林  
一段溫和雲共軟  
十分明潔月爭光  
吟魂有夢圓春草  
禪骨無因怯曉霜  
錦障繡衾皆業境  
此中清趣最溪長

可賦軒避暑

萬箇琅玕爽氣浮  
何妨暫借着詩流  
世人奔競長爲暑  
心地清涼即是秋  
普供茶瓜醒牀  
矐自攜枕簟足夷  
猶從今只有山林  
好浮世炎炎卒未休

客夢

人生總總汨浮榮，勘破令人厭宦情。  
竹屋無時勞結夢，秋林何日遂歸耕。  
雨侵藥竈莓苔長，秋透書臺筆硯清。  
漸老鬢毛猶未雪，此身當及見升平。

夜雨

夜半條驚覺，狂風攪秋鳴。  
掣電起迅雷，驟雨翻盆傾。  
逆知造物意，拏斂萬寶成。  
天威不竟夕，須臾山月明。

官舍雙桂

翠玉黃金剪綴成，幽香不斷襲人清。  
獨披月色連宵看，更結秋風來歲盟。  
好夢偏爲蠶叫破，吟聲那似蝶飛輕。  
紛紛凡卉誰堪伴，說與寒梅早合并。

雨中用進退格

秋來天氣半晴陰，塊坐山窓一欠伸。  
欲睡却思妨宦業，怕吟惟恐動鄉心。  
遠書難準衣仍薄，清俸無多橐慣貧。  
箇種關情畦稻



驟雨宜時降不宜霖

岳鄂王墓

古木號風抱不平百年忠義日爭明  
墳前人馬空存否何似當時錯用兵

喜鵲寺

鵲巢不見委空枝透徹機關在險時  
自後非無禪可問多因險處怕人窺

訪詩人

得得訪詩仙平湖水接天身輕如雀羽  
路遠買漁船上荷撐蓋春淺柳脫綿  
造門人已出冷漱石山泉

湖亭夜坐

片葉涼風數日程爭如天籟未秋聲  
猷居塵境炎威熾來納虛亭夜氣清  
萬點螢光移醉眼一湖蟾影動吟情  
笙歌寂寂重關掩獨許高僧並臂行

即事

無端梅潦肆鳴渠官舍蕭條似僦居  
把酒

猷談天下事挑燈頻讀故人詩書史抄詩嬾  
多記字僅治飧屋少嫩蔬濁世炎烝方鬱  
鬱庭前新草不令除

挽北磻

本分參禪學吟中透一關清名傳北磻遺  
像在南山石塔人千古烟梯屋數間詩魂  
何處覓應伴白雲閣

石屋

路僻鳥關關行吟逐字刪偶來遊石屋却  
喜見香山閣峭寒雲護岩溪野水間坡仙  
留墨在姓字有無間

盃泉

一方石甃溜涓涓偏以盃稱萬古傳名利  
醉人醲似酒誰甘甜淡酌清泉

此君軒

此君瀟洒翠團欒軒扁佳名墨已乾欲識  
清風千古在試將石刻句吟看

湖西納涼



小艇撐過第一橋酌泉橋下擲詩瓢來遊  
道院分荷供擬拉吟僧遣宦招暮靄直從  
漁笛起月華高過塔燈遙且於靜處偷清  
福人海驚人湧似潮

寄題漱玉

一派潺湲迸石溪直疑寒碧練玻璃百川  
流去須歸海萬籟喧來有定時橋接丹山  
橫夜月柳籠碧草拂晴曦吟廬此去雖相  
近爭似閉鷗立渺瀰

春日訪四聖鄭渭濱

訪舊孤山去桃花觀裡春吟香開道室借  
酒酌詩人琴操僧還古蔬盤味却真斜陽  
各分散一水隔紅塵

檐上木香

無奈聲聲杜宇頻木香猶有一分春檐頭  
分得清香到却謝尋常過路人

和趙冰岩借宿僧房韻

鷗盟鄉國外簪盃把題分旅舍嫌紅日僧

房卧白雲茶新翻雪乳硯古帶潮紋點陟  
人間事棲心耳不聞

中元

今朝逢令節依舊客殊鄉禪衲同分席清  
齋若過堂江茶浮水色埜菜帶山香忽憶  
三秋菊誰鋤小徑荒

餞吳西疇東歸

交情寥落若商參誰是如蘭可斲金別去  
社中懷舊友喜來湖上共新吟好山爭似  
居家看冷菊難禁在旅心我欲學君歸未  
得年來竹屋再相尋

習懶

風撼西窓夕照明習成懶散澹無營頗諳  
讀易深知命却怕吟詩浪得名款對山僧  
開月酒旋蒸湖蟹切秋橙有來歸自江干  
客爲說錢塘潮信平

送菴僧歸山

微官驅我離家山何日歸休得遂闕先隴



陰陰松影裡春來草、倩師刪

跋竹間僧詩稿

借得香墨本相對坐孤檠句似寒梅好夢  
從春草生逼人禪價重喚我宦情輕一事  
尤相得此君同此盟

歲律

歲律又侵尋桃符句索吟經年爲客夢每  
日在家心眼老看山慣愁多怯酒深公餘  
惟讀易世事任浮沉

趙紫芝墓

晚唐吟派續于誰一脉纔昌復已而對月  
難招青塚魄觀梅如見紫芝眉四靈人物  
嗟寥落千古風騷 俊奇公去遙遙誰可  
法少陵終始是我師

落梅

春雨敲花逐水流遊蜂催課未知休生來  
獨冷嫌無雪別去相逢又隔秋紫蒂窠窠  
凝酒恨蒼苔點點落詩愁黃昏未覺師雄

夢寒笛一聲何處樓

冷泉亭

山遠源深絕市聲許由因此隱方成一  
生獨喜枕流好萬事何如酌水清  
楚初洗心滋味淡騷人照影利名  
輕軟紅塵裡渾如醉誰識斯泉可  
濯纓

玉岑

一抹斜陽挂淺林細聽山鳥說  
春心千年古寺多奇跡讀了  
豐碑看玉岑

觀音泉

岩石留雲裛翠烟古松知歷幾  
千年淨瓶一滴揚枝水湧作  
岩前大士泉

除夕

一歲驚心忽已除宦遊尚自客  
西湖漫題桃板標茆屋旋買  
梅花插瓦壺俸薄幸無賒酒  
債官閒却有索詩逋明朝萬  
事從頭起依舊山肩竹樣癯

舟中



戡殺人間名利忙我忘名利只詩狂雅陪  
雲衲三生話分得漁舟半日涼傍水細看  
鷗鷺浴隔蘆吹過芰荷香從容飽遂清遊  
勝那似家居卧竹房

秋風悲

秋風悲秋風悲秋風悲兮落葉飛豪家不  
識秋風悲盃酒暖熱兒女嬉秋風悲秋風  
悲秋風悲兮壠極委田家不識秋風悲腰  
鎌收刈雞豚肥秋風悲秋風悲秋風悲兮  
塞角吹戍人不識秋風悲只願封侯不顧  
死棗紅十載忘歸期秋風悲秋風悲秋風  
最可悲兮江流滔滔禾黍離離為此悲者  
其知誰

訪周伯弼後寄

獨坐湖窓水一盃好懷竟日向誰開火雲  
六月天無夜不為先生定不來。

書瘦岩僧詩卷後

泛湘遊嶽慣風寒怯掛田文半臂衫吐出

烟雲冰雪句山肩莫恠瘦如岩

休日招李山房杜北山訪渭濱秋

浦于孤山即席用韻

凜凜仙風匝葑田徘徊懷古事茫然眼空  
湖海無塵累身在蓬萊有宿緣孤策遍尋  
儲宦地偏提自汲煮茶泉詩家眷屬通詩  
譜不枉微官客日邊

有感

華陽暫脫戴朝簪悔被浮雲惹動心世事  
可驚如雨驟客懷無限併秋深能歸不似  
天邊燕怯冷愁聞月下磬幾許清高堪自  
慰官居賴有竹蕭森

舊園覺

雲氣濕香埃 蹊印碧苔金奎今日賜翠  
輦昔時來禪定琴臺廢詩寒石刻鬼萬斯  
年勝地不敢肆徘徊

清溪

不比江湖汗漫流山林冷淡氣長秋泠泠



一派源頭水岸影中間見白鷗

獨坐

老屋蕭條半欲斜  
繩牀獨坐看蜂衙  
經年官况渾如客  
計日安書已到家  
策策冷風刪樹葉  
絲絲暮雨織簷花  
夢魂不即歸心切  
小圃堪鋤自種瓜

挽孫花菊

清氣散乾坤  
人亡名尚存  
玉寒埋葛嶺  
墨淡憐秦村  
井菊風號塚  
山花月返魂  
子孫無處覓  
吟客醉芳樽

餞平洲僧

天地一身閒  
袈裟裹亂山  
聽經離竺寺  
結制去雲間  
包重懸詩稿  
藤枯帶蘚斑  
西風落梧葉  
應又向西還

雲谷

月浸千林萬壑秋  
聽琴驚起雀回頭  
孤雲帶濕藏空谷  
不逐人間富貴浮

北高峰

閒處春光淡逢僧共採蒿曲盤山磴險直  
上塔峯高風露侵衣冷江湖送眼豪近年  
無隱者空負數株桃

靈芝寺

梵宇背湖光朱橋度綠楊折藤維小艇拂  
石坐幽房齋版驚閒鷺苔碑卧夕陽都人  
喧鼓吹未識此徜徉

跋吳西疇東遊詩卷

兩袂薰風過廬鷗盟又結向西湖東遊  
雙幅雲烟句寫出江心雁蕩圖

湖上

不分雨色共晴光每攬吟魂夢草堂數日  
不來湖上看西風吹水蒼茫

借林可山韻餞錢蘿屋僧

吟卷多題品君齊賈島才聞風知行瘦載  
雨過湖來交淡盃中水儒酸葉底梅優辭  
京口去覓取近詩開

杪歲



幾番風月費招邀傳舍逡巡一歲僑客久  
夢魂安淡泊臘殘老態厭喧囂晴空雪片  
飄梅瓣冷地春光上柳條世事每從兒戲  
過門前歌舞又元宵

聽雪窓

靜擁寒爐逼硯冰凍蠅怪有撲窓聲拋松  
撒竹清眠思吹滅唵燈坐到明

寄懷里中諸社友

自笑初無作吏能却因作吏遠詩朋與君  
交訊欠逢雁知我懷人獨似僧客枕夢殘  
聽夜雨鄉心愁絕對秋燈何時歲老梅花  
下石鼎分茶共煮冰

贈黃羽士

閤披雀氅紫藤冠帶得林泉骨相寒落魄  
一身風雪冷飄蓬千里水雲寬素餐洗硯  
抄詩句清夜敲鐘上醮壇準擬學仙仙遇  
否何年煉就九還丹

寄詩僧

昔日剡溪曾載雪君今訪我以晴期一庭  
棋雨何時竟吟得詩來舉似誰

惜春

輕寒惻惻雨絲絲獨坐吟牀日較遲方此  
惜春容易老晚風吹落野棠梨

酬雲間僧見寄

一從湖上別無處問相知幾夜頻馳夢今  
朝忽寄詩山昏雲過濕院靜雀歸遲此去  
秋風近應須動客思

謝林可山序詩

不枉西湖住兩年窮吟活計又成編生平  
不得春風力只與梅花結得緣

送僧之毗陵

無意坐林叢雲飛天四空禪心帆影外客  
夢櫓聲中勝負機何密窮通算儘工此行  
應不錯知遇有詩翁

雨作

薰風入斷籬猶自雨淒淒數日無人過終



朝共雀棲雲濃山寺失水迅野橋低亦有  
田堪秫何時得荷犁

為瘦岩僧題西山爽氣

背却殘陽翠欲流一窓長占四時秋逼人  
風露衣巾晚拄笏朝來獨倚樓

紫笑

雨濕晴烘乃破慳時聞旖旎度簷間不知  
失笑緣何事每對薰風自赭顏

客懷

衣袂半塵氛堪嗟白髮新古今同逆旅湖  
海未歸人雨霽船爭渡花飛鳥怨春片雲  
千里迥日日謾烹鱗

月夜泛湖

買得扁舟載月明喜它簫鼓已歸城一襟  
風露清吟骨四望湖山見道情花港採菱  
供菓釘蘋洲擷荇薦盃行此歡不許人多  
得破曉西冷雞犬鳴

靜中

靜中白日十分遲  
喚起鄉心怯子規  
客味有如盃水淡  
宦情肯被一塵縈  
緝儲餘粟緣供雀  
囊之零金爲買詩  
坐久不禁春雨暗  
誰家樓上笛頻吹

午夢

詩篇纔欠急忙償  
似有奚奴督和章  
望斷曉山雲破碎  
驚回午夢雨淋浪  
春光一半歸楊柳  
花事三分屬海棠  
靜坐小窓人語寂  
閒聽梁燕語行藏

蝸牛

分歧頭角出于天  
盤薄委蛇巧並緣  
到了升高翻墜失  
徒然陰地肆垂涎

末利菊

瑤華細菊翠簾纖  
耐得籬邊曉露漙  
晚節清香猶愛好  
雖名末利不趨炎

杜北山同石峯僧來訪

梅花同伴瘦一瘦  
有誰過歲事那堪  
晚心期未易多杯淡  
和月吸硯冷帶冰  
磨山暝



歸鴉急相分獨奈何

謝偃溪惠索洵

與客敲詩倚古松  
亂蟬聲裡夕陽舂  
幾年飯顆山頭瘦  
槐葉今朝得飽供

題贈命士

富貴功名世競癡  
清吟往往不趨時  
請君多筭公卿命  
莫要逢人舉似詩

挽靈隱僧珏月窓

秋月只清輝  
窓明人不歸  
嘔心成宿病  
蛻骨悟前非  
書偈辭禪院  
緘衾寄母闈  
後啼泉石冷  
客淚爲君揮

牧溪上人爲作戲墨因賦二首

宿葦臨流去就輕  
生平賴與爾同盟  
相從奚假歸圖畫  
特畫江湖一段清

右鷺

峭壁懸崖隱趣深  
每來洞口費呼尋  
啼雲嘯月聲難寫  
只寫山林一片心

右猿

酬里中友人代簡韻

鬢絲冉冉負年華  
客夢無時不在家  
吟得新詩三百首  
却慙籬下見黃花

古樂府

郎別二十春  
未報淮頭提空房  
守節心羞見雙胡蝶  
滴淚寫胭脂  
欲寄南雁羣  
恐蕩郎客思  
封了却還焚  
妾甘奉姑老  
妾甘育子穉  
他日畫錦歸  
願郎無棄置

言事

讀了南華枕曲肱  
無端客夢冷  
偏增官將滿  
去多逃吏詩  
不吟來少寄  
僧亂葉打窓  
貓上案斜陽  
過屋鼠窺燈  
孤山在望何時  
雪問訊梅花  
策瘦藤

挽李山房

吟譽先君者  
多埋葛嶺旁  
幾年千里客  
一夕九原傷  
琴硯遺兒遠  
棺衾得友償  
玉樓天上事  
應有舊山房

鄭渭濱過訪而杜北山諸友繼至



惜乎招石峯月溪二禪不來

未見南枝與北枝一清誰可話襟期不嫌  
添客重行酒所欠惟僧共說詩竹影因風  
和雀動水聲帶雨啓鷗疑黃昏緊閉寒扉  
坐自展帟編對伏羲

采蓮曲

朝露濕妾衣暮霞耀妾矚一葉小如瓜去  
住無拘束兀擢歌采蓮襲襲薰風足蘆葉  
映港清捉對鴛鴦浴蓮中有苦心欲折手  
還曲折蓮恐傷藕藕斷絲難續

菊

寂寂東籬姿淒彼霜露濕不肯出東風俗  
眼豈相入世無陶靖節此趣誰收拾

蘭

淡淡九畹質雅好住山林幽香不求知伯  
夷叔齊心世道不復古紉佩取騷吟

自若之出矣

自若之出矣蛾眉不復掃寶鑑委塵埃玉

客爲誰好

堅冰

滕六巧呈瑞平白一尺高  
霜風凜烈生挾夜聲如號  
冰漸調玉筋瓦縫鏡銀膏  
茅屋頓暴富掩映何奢豪  
晶光動閭里健羨等兒曹  
此時輕脆姿堅爲千載牢  
一旦陽明升消泮茂纖豪  
奚獨此爲然世事亦滔滔

閨賦

梅花白向鬢根生歲月蹉跎事欠成  
讀過故書溫有味借來新絮冷無情  
未霜山寺昏鐘勁欲霽湖亭夕照明  
多少紅塵留滯客可曾歸去力春耕

渡湖

漠漠西湖匝野烟夕陽柳下買歸船  
關心一紙平安報雁字縱橫寫碧天

官舍亭前古梅尋常開歲暮余

整歸裝而乃蚤花不容自嘿

猗猗古恠虬龍枝着花傳舍濱  
歲晚往往



來來幾番人老大相期疑未緩顧我老眼  
慣相看嗅花嚼藥當餐飯橫斜峭拔耐霜  
雪肯媚陽和齊婉婉把酒邀月共說詩踈  
影上衣成繾綣朔風吹夢入家山鼓舞

笑客 返誰謂花先常歲期徹夜萬葩玉  
一本花應有心餞我行吐芳非爲冬日暖  
我亦逆知此花意孤潔難與俗人混似嫌  
托根富貴場不若棲身山林穩惜乎花又  
不能言一花一心誠懇懇任他世間競酣  
桃李春花獨與我結交歲寒遠

秋胡行

五年行邁兮歸遲遲採桑山陰兮奉親慈  
冰霜自潔兮清節持有客遺金兮志不移  
橐有金兮盡專爲母馳心悅桑女下車兮  
人可知庭中見妾兮徒忸怩載思往事兮  
妾心孔悲君不知妾之有節兮言姑已而  
君不知孝兮人道哀妾不死兮欲何爲

賦雪

漫天飄瑞壑囂塵一夜西湖幻出銀煎入  
茶鐺清肺腑吟歸詩句爽精神糝填雀跡  
看旋沒封合梅花認不真茅舍竹籬猶富  
貴長安安得有貧民

寄里中社友

欠作故人書侵尋半載餘窮吟雖自吝入  
夢不相踈梅蘂通春信霜風促歲除待余  
歸故里鷗約復如初

孤山訪鄭渭濱不值

寂寞石琴臺香雲撥不開

騎雀出自

欲買舟來對岸春回草山亭雨謝梅懷人  
成悵惘日暮惜空回